

**27 OCTOMBRIE
RUGĂCIUNEA 2
SF. CUVIOS
NESTOR 1 CRONICARUL
DE LA PECERSKA**

Молитва преподобному Нестору Летописцу

О, преблаженне и богоносне отче наш Несторе, премудрый учителю, великий подвижнице, Печерския Лавры похвало и о всем мире молитвениче! Ныне предстояй со дерзновением престолу Триипостасного Бога, помози нам, со слезами и сокрушенным сердцем к тебе приходящим, веру православную до конца жития нашего в чистоте сохранить.

Дух ревности, имже ты пламенил еси, возгрей предстательством Твоим и о нас, ихже Христос постави пастырями, да всеусердно просвещаем и утверждаем во православии словесное стадо Христово! Испроси, о великодаровитый наставнице, у Пастыреначальника Христа всем нам всякий дар коемуждо благопотребен: отроком - целомудрие и послушание, юным - ума просвещение во еже скоро прияти им

и спешно навыкнути Божественнаго закона и всему благому и полезному учению; наставником - терпения, начальствующим - мудрости образ!

О Боголюбнейший отче, любителю и ревностный научителю святая истины, научи и нас быти достойными подражателями трудов твоих. Приведи нас, отче Святой, молитвами твоими к уразумению душеполезного знания, да внимая преподаваемому нам учению Христову, проживем Богу Нашему во славу, Церкви и отечеству нашему на пользу. Настави нас на стези спасения, да молитвами твоими, заступниче наш, во учении да не леностны пребудем, в усердии не ослабевая, духом пламенея внидем в вечное Царство славы восхваляя Отца, Сына и Святого Духа, во веки веков. Аминь!

